

MEMORIA XUSTIFICATIVA E ECONÓMICA DO CONVENIO DE COLABORACIÓN ENTRE A AXENCIA GALEGA DE DESENVOLVEMENTO RURAL E A UNIVERSIDADE DE SANTIAGO DE COMPOSTELA PARA POÑER EN MARCHA UN PROGRAMA DE MICROCREDENCIAIS PARA A ADQUISICIÓN DE COMPETENCIAS DIXITAIS DIRIXIDO AOS PROFESIONAIS E Á CIDADANÍA DO MEDIO RURAL

Esta memoria elabórase para cumprir o previsto no artigo 15.2 da Lei 1/2016, do 18 de xaneiro, de transparencia e bo goberno e no apartado cuarto f) do Acordo do Consello da Xunta de Galicia, do 27 de marzo de 1991, sobre convenios de cooperación con outros entes públicos e de colaboración con particulares.

ANTECEDENTES

A Axencia Galega de Desenvolvemento Rural (en adiante, Axencia), creada pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo (DOG núm. 251, do 29 de decembro), é a axencia pública autonómica, de conformidade coa Lei 16/2010, do 17 de decembro, de organización e funcionamento da Administración xeral e do sector público autonómico de Galicia, que ten a consideración de medio propio e servizo técnico da Comunidade Autónoma de Galicia, que actúa como instrumento básico na promoción e coordinación do desenvolvemento do territorio rural galego, co obxectivo de mellorar as condicións de vida dos seus habitantes e de evitar o seu despoboamento.

Entre outras funcións, correspóndelle a Agader promover e fomentar a cooperación entre axentes públicos e privados cuxas actuacións incidan directa ou indirectamente no desenvolvemento das zonas rurais así como poñer en marcha medidas e actuacións que teñan por obxecto, en particular, a revitalización do tecido produtivo e a fixación da poboación nas áreas rurais. Así mesmo, correspóndelle a Agader favorecer o mantemento da poboación vinculada á actividade agroforestal, promovendo e recoñecendo o papel da muller en condicións de igualdade e a remuda xeracional coa incorporación de persoas mozas ás explotacións, así como fomentar que as novas explotacións agroforestais contribúan á renda familia, afianzar a actividade agroforestal como actividade económica de referencia fomentando o seu desenvolvemento, así como o doutras actividades complementarias que sexan compatibles co respecto dos valores naturais, a conservación do patrimonio cultural de interese agrario e a integridade da contorna e Fomentar a conservación da produtividade e o bo estado das terras agropecuarias e forestais, mellorar a capacidade produtiva das terras existentes, asegurar a súa biodiversidade e evitar a degradación dos solos.

A Universidade de Santiago de Compostela é unha institución pública dotada de plena personalidade xurídica e patrimonio propio, que asume e desenvolve as súas funcións como servizo público esencial á comunidade mediante o estudo, a docencia, a investigación e a

AXENCIA GALEGA DE DESENVOLVEMENTO RURAL
CONSELLERÍA DO MEDIO RURAL

Lugar da Barcia 56, Laraño
15897 Santiago de Compostela
T. + 34 981 547 354
infoagader@xunta.gal
agader.xunta.gal





transferencia do coñecemento, actividades para as que disfruta de autonomía, de acordo cos seus estatutos e no marco da lexislación vixente.

O artigo 4 do Decreto 14/2014, de 30 de xaneiro, polo que se aproban os seus Estatutos establece que a Universidade de Santiago de Compostela desenvolverá actividades de extensión universitaria, dirixidas a todos os membros da comunidade universitaria e á sociedade en xeral, que terán como finalidade procurar a formación integral dos membros da comunidade universitaria mediante a programación e organización de cursos, conferencias e todo tipo de actividades culturais, recreativas e deportivas que poidan contribuír á mellor realización deste obxectivo. Así mesmo este artigo establece que para o mellor desenvolvemento das súas funcións, a Universidade de Santiago de Compostela propiciará o establecemento de relacións con outras universidades, organizacións e institucións.

RAZÓNS DE OPORTUNIDADE

O auxe da intelixencia artificial e a automatización están producindo un crecente desaxuste entre as capacidades demandadas polo mercado de traballo e as dispoñibles na oferta laboral, polo que os coñecementos, capacidades e competencias de moitos traballadores e traballadoras están a quedar obsoletos. De aquí xorde a necesidade de crear un instrumento formativo que permita a recualificación da poboación adulta ao longo de toda a súa vida laboral, e que axude a cidadanía, os sectores produtivos, as administracións e as entidades sociais a percorrer con éxito a transición a esta nova época, caracterizada polo cambio permanente das capacidades e competencias relevantes no mercado laboral, a progresiva desestandarización dos postos de traballo, e onde os traballadores deben afrontar cambios de funcións e actividades de xeito permanentemente ao longo de toda a súa vida laboral, convertendo así o aprendizaxe nunha constante na actividade profesional.

A Recomendación do Consello Europeo do 16 de xuño de 2022 relativa a un enfoque europeo das microcredenciais para a aprendizaxe permanente e a empleabilidade define a microcredencial como "o rexistro dos resultados da aprendizaxe permanente que adquiriu un alumno como consecuencia dun pequeno volume de aprendizaxe" e dispón que as experiencias de aprendizaxe que dan lugar á obtención de microcredenciais están deseñadas para proporcionar coñecementos, capacidades e competencias específicos, que responden ás necesidades sociais, persoais, culturais ou do mercado de traballo.

O Plan de Acción para o desenvolvemento de microcredenciais universitarias en España (Plan MICROCREDS) do Ministerio de Ciencia, Innovación e Universidades do Goberno de España establece que "as microcredenciais universitarias son credenciais derivadas de formacións breves, focalizadas na adquisición de coñecementos, habilidades ou competencias específicas, de formato flexible e adaptable ás diversas necesidades e limitacións de dispoñibilidade do alumnado adulto, cunha estrutura modular pola que cada formación pode ter sentido de forma independente, e ao mesmo tempo, acumularse e combinarse en credenciais máis amplas, no marco dun itinerario formativo personalizado".

A sinatura dun convenio entre a Axencia Galega de Desenvolvemento Rural e a Universidade de Santiago de Compostela, que permitirá dar resposta a estas necesidades, considérase oportuno polos seguintes motivos:





- En primeiro lugar, porque as microcredenciais permiten deseñar itinerarios formativos curtos, flexibles e altamente especializados, aliñados con sectores clave como a agroindustria, o turismo sostible, a dixitalización ou a economía verde e a colaboración coa USC garante o rigor académico e a calidade pedagóxica destes programas.
- Ademais, este convenio favorece a transferencia de coñecemento universidade-territorio. A USC, como institución de referencia, pode achegar a innovación e a investigación aplicada ás comunidades rurais, mentres que a Axencia achega o coñecemento directo do terreo, as súas necesidades e os seus axentes. Esta sinerxía mellora a pertinencia da oferta formativa e o seu impacto real no desenvolvemento local.
- Outro elemento clave é o impulso da empregabilidade e da recualificación profesional. As microcredenciais están especialmente orientadas a persoas adultas, traballadores en activo ou en proceso de reconversión laboral. No contexto rural, isto facilita a actualización de competencias sen necesidade de desprazamentos prolongados nin de cursar titulacións longas, contribuíndo a fixar poboación e xerar oportunidades laborais.
- Tamén se aliña coas políticas europeas e estatais de aprendizaxe permanente e dixitalización, que promoven modelos formativos modulares, acumulables e recoñecibles e que contan con financiamento vinculado a programas europeos.
- Por último, a formalización do convenio achega a seguridade xurídica e estabilidade institucional, permitindo planificar accións a medio e longo prazo, optimizar recursos públicos e establecer mecanismos de avaliación e mellora continua.

En resumo, esta colaboración entre a Axencia e a USC representa unha oportunidade estratéxica para modernizar a formación no medio rural, fortalecer o capital humano e contribuír de xeito sostible ao desenvolvemento territorial de Galicia.

Os intereses converxentes das partes asinantes xustifican a utilización do instrumento do convenio para articular as actuacións de referencia, quedando o dito convenio fóra do ámbito de aplicación da Lei 9/2017, de 8 de novembro, de contratos do Sector Público, pola que se traspón ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, con independencia de que, de acordo co previsto no artigo 4 da devandita norma, lle sexan de aplicación os principios desta lei para resolver as dúbidas e lagoas que puidesen presentarse.

OBXECTIVOS

O convenio que está previsto tramitar ten por obxecto establecer as condicións polas que se rexerá a colaboración entre a Axencia Galega de Desenvolvemento Rural e a Universidade de Santiago de Compostela para poñer en marcha un programa de microcredencias para adquisición de competencias dixitais dirixido aos profesionais e á cidadanía.

Este programa de microcredencias está baseado en 5 pilares:

- Pilar 1: Estimular a formación ao longo da vida entre as persoas adultas e os empregadores.
- Pilar 2: Transformar as universidades en institucións de formación para todas as idades.
- Pilar 3: Ofrecer microcredenciais de alto impacto laboral e educativo.
- Pilar 4: Garantir o dereito á formación de todas as persoas adultas.





- Pilar 5: Facilitar itinerarios educativos personalizados na idade adulta.

Os contidos do programa de microcredencias é o seguinte:

- Cidadáns e servizos dixitalizados: Certificados dixitais e DNI electrónico, xestións dixitais con tráfico, ca vida laboral, co centro de saúde, ca axencia tributaria, co catastro e co rexistro da propiedade
- Cómo usar a IA no día a día?: Qué é a IA? Principais aplicacións e asistentes virtuais: ChatGPT, Gemini, Alexa, Siri, etc. Xeración de imaxes con IA. Os sesgos no manexo de información da IA. Privacidade e protección dos meus datos.
- Cómo implantar VERIFACTU no meu negocio?: Qué é VERIFACTU e cal é a súa relación ca factura electrónica? Qué podemos facer para cumprir as novas normas? Obrigacións, excepcións e sancións. O uso de FACTURE e de outras plataformas públicas.
- Xestión de datos con Power BI: A importancia dos datos na empresa. Dos datos ao coñecemento. Preparación e modelado dos datos. Conectando Power BI co orixe dos datos. Visualización, gráficos e publicación de informes. Aplicación de IA en Power BI
- Marketing dixital: Proposta de valor. Identificación de clientes. Ferramentas de márketing dixital. As redes sociais. Marketing dixital e IA
- Comercio electrónico: Qué é o comercio electrónico? Plataformas para xerar unha tenda on-line. A tenda WooCommerce. Pagos con Shopify
- Xestiona a túa terra: instrumentos de mobilización e recuperación terras rústicas: como incorporar a túa finca ou arrendar unha finca no Banco de Terras (utilización do aplicativo SITEGAL), xestiona a túa terra: trámites con catastro, rexistro da propiedade (a quen dirixirse, sede electrónica)

Por tanto, o obxectivo común que perseguen as partes asinantes deste convenio de colaboración é impulsar a empregabilidade e a recualificación profesional mediante modelos formativos curtos, flexibles e altamente especializados que permitan incrementar a competitividade e impulsar o crecemento e a xeración de riqueza na contorn rural galega.

CUSTO ESTIMADO DO CONVENIO

O custo derivado da sinatura deste convenio calculouse con base nos seguintes gastos estimados:

Duración	Sesións presenciais	Horas presenciais totais	Horas de apoio tutorial	Créditos
Cidadáns e servizos dixitalizados	3	10	10	2
Como usar a IA no día a día	3	10	10	2
Xestiona a túa terra	2	5	5	1
Como implantar VERIFACTU no meu negocio	2	5	5	1
Xestión de datos con Power BI	3	10	10	2
Marketing dixital	3	10	10	2
Comercio electrónico	3	10	10	2





Cidadáns e servizos dixitalizados	
Tipo de custo	Importe
Profesorado	1.600 ,00 €
Dirección e cordinación	400,00 €
Seguro alumnos	248,40 €
Total	2.248,40 €
Achega Agader (33%)	741,97 €

Como usar a IA no día a día	
Tipo de custo	Importe
Profesorado	1.600 ,00 €
Dirección e cordinación	400,00 €
Seguro alumnos	248,40 €
Total	2.248,40 €
Achega Agader (33%)	741,97 €

Xestiona a túa terra	
Tipo de custo	Importe
Profesorado	700 ,00 €
Dirección e cordinación	175,00 €
Seguro alumnos	248,40 €
Total	1.123,40 €
Achega Agader (33%)	370,59 €

Como implantar VERIFACTU no meu negocio	
Tipo de custo	Importe
Profesorado	700,00 €
Dirección e cordinación	175,00 €
Seguro alumnos	248,40 €
Total	1.123,40 €
Achega Agader (33%)	370,59 €

Xestión de datos con Power BI	
Tipo de custo	Importe
Profesorado	1.600 ,00 €
Dirección e cordinación	400,00 €
Seguro alumnos	248,40 €
Total	2.248,40 €
Achega Agader (33%)	741,97 €

Márketing dixital	
Tipo de custo	Importe
Profesorado	1.600 ,00 €
Dirección e cordinación	400,00 €
Seguro alumnos	248,40 €
Total	2.248,40 €





Achega Agader (33%)	741,97 €
Comercio electrónico	
Tipo de custo	Importe
Profesorado	1.600,00 €
Dirección e coordinación	400,00 €
Seguro alumnos	248,40 €
Total	2.248,40 €
Achega Agader (33%)	741,97 €

O importe total máximo que financiará a Agader é de 14.839,44 €, no caso de que se realicen o número máximo de microcredenciais previstas (20) e todas elas correspondan as máis longas e de maior custo (2.248,40 €), nas que Agader aportaría 741,97 € por cada microcredencial.

3.- Os gastos derivados deste convenio financiaranse con cargo á conta orzamentaria 15.A1 712A 6400, código de proxecto 2021/00004.

Santiago de Compostela, na data da sinatura electrónica

A directora xeral Axencia Galega de Desenvolvemento Rural
M^a Paz Rodríguez Rivera

